



REPUBLIKA E SHQIPËRISË
MINISTRIA E DREJTËSISË
SHËRBIMI I PROVËS
DREJTORIA E PËRGJITHSHME

Rruga "Jordan Misja", Pranë Gjykatës së Krimeve të Rënda

Tel. +355 4 2232 852

Nr. 1289 Prot.
(lutemi referojuni në rast përgjigje)

Tiranë, më 06 . 10 .2010

Lënda: Dërgohet "Raporti i punës për muajin Shtator 2010"

Drejtuar: **Z. BUJAR NISHANI**
MINISTËR I DREJTËSISË

TIRANË

I nderuar Z. Ministër!

Mbështetur në nenin 9, gërma gj), të VKM nr. 302, datë 25.03.2009 "Për miratimin e Rregullores "Për organizimin e funksionimin e Shërbimit të Provës dhe për përcaktimin e standardeve dhe procedurave për mbikëqyrjen e ekzekutimit të dënimeve alternative", bashkëlidhur po Ju dërgojmë Raportin mbi aktivitetin e Shërbimit të Provës për muajin Shtator 2010.

Duke Ju uruar punë të mbarë!

DREJTOR I PËRGJITHSHËM

ARBEN SEFGJINI

Konceptoi: Saimir Shyti
Datë 04.10.2010



REPUBLIKA E SHQIPËRISË
MINISTRIA E DREJTËSISË
SHËRBIMI I PROVËS
DREJTORIA E PËRGJITHSHME

R A P O R T
PËR MUAJIN SHTATOR 2010

I nderuar Zoti Ministër,

Mbështetur në nenin 9, gërma gj), të VKM nr. 302, datë 25.03.2009 "Për miratimin e Rregullores "Për organizimin e funksionimin e Shërbimit të Provës dhe për përcaktimin e standardeve dhe procedurave për mbikëqyrjen e ekzekutimit të dënimeve alternative", po Ju paraqesim raportin e veprimtarisë së Shërbimit të Provës për muajin Shtator 2010.

I. Statistika

Për periudhën 01-30 Shtator 2010, volumi i punës së kryer nga Shërbimi i Provës ka qenë i madh, duke marrë parasysh faktin që numri i specialistëve të Zyrave Vendore të Shërbimit të Provës është i njëjti, ndërsa numri i të dënuarve me dënime alternative që këta specialistë mbikëqyrin, si dhe kërkesat nga gjykatat dhe prokuroritë për raporte vlerësimi janë në rritje të vazhdueshme. Disa nga statistikat dhe paraqitjet që pasqyrojnë punën që ka kryer e po kryen institucioni do të jepen me anë të të dhënave si më poshtë:

Për periudhën 01 Qershor 2009 - 30 Shtator 2010, statistikat rezultojnë si më poshtë:

1. Numri total i të dënuarve me dënime alternative të dhëna nga gjykatat.

Numri total i të dënuarve me dënime alternative që janë mbikëqyrur nga Shërbimi i Provës në të gjithë vendin, për periudhën **01.06.2009 - 30.09.2010**, është **2067** të dënuar.

Nga 01.06.2009 deri më datë 30.09.2010, kanë përfunduar periudhën e provës nën mbikëqyrjen e Shërbimit të Provës **125** të dënuar, pra ka përfunduar me sukses procesi i mbikëqyrjes për ta.

Kështu numri total i të dënuarve që ndodhen aktualisht nën mbikëqyrjen e Shërbimit të Provës (duke zbritur numrin e atyre që kanë përfunduar dënimin alternativ) është **1942 të dënuar**.

I ndarë sipas Zyrave Vendore (duke llogaritur dhe të dënuarit që kanë përfunduar dënimin alternativ):

- Në territorin që shtrin kompetencat Zyra Vendore Tiranë mbikëqyren në komunitet nga Shërbimi i Provës **880** të dënuar me dënime alternative.

- Në territorin që shtrin kompetencat Zyra Vendore Durrës mbikëqyren në komunitet nga Shërbimi i Provës **366** të dënuar me dënime alternative.
 - Në territorin që shtrin kompetencat Zyra Vendore Fier mbikëqyren në komunitet nga Shërbimi i Provës **348** të dënuar me dënime alternative.
 - Në territorin që shtrin kompetencat Zyra Vendore Shkodër mbikëqyren në komunitet nga Shërbimi i Provës **348** të dënuar me dënime alternative.
2. *Numri mesatar i të dënuarve me dënime alternative që mbikëqyren nga një punonjës i Shërbimit të Provës në nivel vendi dhe zyre vendore.*

Sa më sipër duke ju referuar numrit total të të dënuarve me dënime alternative që mbikëqyren nga Shërbimi i Provës prej **1942** të dënuarish, numri mesatar i të dënuarve që mbikëqyren nga një punonjës në nivel vendi aktualisht është **65**. E shprehur kjo për çdo zyrë vendore është si më poshtë:

- Zyra Vendore Tiranë ka nën mbikëqyrje **88** të dënuar për çdo punonjës.
- Zyra Vendore Durrës ka nën mbikëqyrje **52** të dënuar për çdo punonjës.
- Zyra Vendore Fier ka nën mbikëqyrje **50** të dënuar për çdo punonjës.
- Zyra Vendore Shkodër ka nën mbikëqyrje **58** të dënuar për çdo punonjës.

Duke ju referuar statistikave, gjatë muajit Shtator 2010 kanë përfunduar periudhën e mbikëqyrjes 38 të dënuar. Shtesa për muajin Shtator 2010 (nga 01.09.2010 - 30.09.2010), prej 88 të dënuarish nën mbikëqyrje, rrit dhe ngarkesën e punës për specialistët.

3. *Numri i të dënuarve për secilin lloj dënimi alternativ.*

Statistikat për periudhën **01.06.2009 - 30.09.2010**, për secilin lloj dënimi alternativ, për të dënuarit e mbikëqyrrur nga Shërbimi i Provës, janë si më poshtë:

- **1621** persona janë dënuar nga gjykata duke u aplikuar neni 59 i KP “pezullim i ekzekutimit të dënimit me burgim dhe vënia në provë”, shifër kjo e barabartë me **78.42 %** të të gjithë të dënuarve me dënime alternative.
- **37** persona janë dënuar nga gjykata duke u aplikuar neni 59/a i KP “qëndrim në shtëpi”, shifër kjo e barabartë me **1.79 %** të të gjithë të dënuarve me dënime alternative.
- **174** persona janë dënuar nga gjykata duke u aplikuar neni 63 i KP “Pezullim i ekzekutimit të vendimit me burgim dhe detyrimi për kryerjen e një pune në interes publik”, shifër kjo e barabartë me **8.42 %** të të gjithë të dënuarve me dënime alternative.
- **235** persona janë dënuar nga gjykata duke u aplikuar neni 64 i KP “Lirim me kusht”, shifër kjo e barabartë me **11.37 %** të të gjithë të dënuarve me dënime alternative.
- asnjë person nuk është dënuar nga gjykata duke aplikuar nenin 58 të KP “gjysëm-liria”.

Këto të dhëna pasqyrohen më poshtë, në **Tabelën 2**.

Tabela 2: Numri i të dënuarëve sipas llojeve të dënimeve alternative të dhëna nga Gjykata për periudhën 01.06.2009 – 30.09.2010.

Nr	LLOJI I DËNIMEVE ALTERNATIVE	Nr. TOTAL	TOTALI në %
1	Pezullimi ... neni 59 i KP	1621	78.42%
2	Qëndrimi në shtëpi neni 59/a i KP	37	1.79%
3	Lirimi me kusht neni 64 i KP	235	11.37%
4	Punë në interes publik neni 63 i KP	174	8.42%
5	Gjysëm-liria neni 58 i KP	0	0%
TOTALI		2067	100%

Për periudhën 01.06.2009 – 30.09.2010 numri i të dënuarve me “punë në interes publik” është **174**, ndërsa pas përfundimit të këtij dënimi për 95 të dënuar, Shërbimi i Provës ka nën mbikëqyrje **79** të dënuar.

4. Raportet e Vlerësimit me kërkesë të gjykatës dhe prokurorisë.

Konkretisht për muajin Shtator 2010:

- ❖ Janë kërkuar nga gjykata 65 raporte vlerësimi për persona të pandehur dhe të dënuar,
- ❖ Janë kërkuar nga prokuroritë 71 raporte vlerësimi për persona nën hetim dhe të pandehur,
- ❖ Kanë ardhur 88 urdhëra ekzekutimi nga prokuroritë e rretheve gjyqësore, nga të cilët 14 urdhëra ekzekutimi janë për dënime alternative të dhëna për të mitur, për të cilët gjykata ka dhënë dënime alternative dhe kanë filluar procedurat ligjore të përcaktuara për procesin e mbikqyrjes për ta.

Ndërsa në total volumi i punës së Shërbimit të Provës për periudhën 01.06.2009 - 30.09.2010 jepet si më poshtë:

- ❖ janë kërkuar nga gjykata 978 raporte vlerësimi për persona të pandehur dhe të dënuar,
- ❖ janë kërkuar nga prokuroritë 348 raporte vlerësimi për persona nën hetim dhe të pandehur,
- ❖ Kanë ardhur 2067 urdhëra ekzekutimi nga prokuroritë e rretheve gjyqësore, nga të cilët 301 urdhëra ekzekutimi janë për dënime alternative të dhëna për të mitur, për të cilët gjykata ka dhënë dënime alternative dhe kanë filluar procedurat ligjore të përcaktuara për procesin e mbikqyrjes për ta.
- ❖ Ka përfunduar procesi i mbikqyrjes për 125 të dënuar.

II. Bashkëpunimi me partnerët

1. me shërbimet e vendeve të tjera

Në datat 27-29 Shtator 2010 u realizua takim me përfaqësuesit e Shërbimit të Provës nga Ministria e Drejtësisë së Mbretërisë së Bashkuar, e cila do të jetë partnerja jonë, në projektin e binjakëzimit, si pjesë e ndihmës së akorduar nga Komisioni European për Reformimin e Sistemit Penitenciar në Shqipëri, në mbështetjen që do t'i jepet Ministrisë së Drejtësisë, për implementimin e Shërbimit të Provës sipas standardeve dhe metodologjisë

së provës (Albanian Twining Project – Probation Service, AL 09 IB JH 01 “Support to the Albanian Penitentiary Reform”). Ky projekt binjakëzimi është pjesë e Projektit IPA 2009, për konsolidimin e Sistemit të Drejtësisë në Shqipëri dhe do të fillojë implementimin e tij në janar 2011. Përfaqësuesit e Ministrisë së Drejtësisë së Mbretërisë së Bashkuar, Zonja Linda Ann Johnson, Lider Projekti dhe Zoti Alan John MacDonald, i cili do të atashohet pranë Drejtorisë së Përgjithshme të Shërbimit të Provës, zhvilluan takime me specialistë të Zyrave Vendore të Shërbimit të Provës Tiranë dhe Fier. Ata asistuan gjithashtu në një rast të dorëzimit të një raporti vlerësimi pranë Gjykatës së Rrethit Gjyqësor Tiranë. Gjithashtu ata zhvilluan një takim në ambjentet e Ministrisë së Drejtësisë, me 2 gjyqtarë të Gjykatës së Rrethit Gjyqësor Tiranë, si dhe 2 prokurorë të prokurorisë së këtij rrethi, të cilët dhanë opinione mjaft pozitive lidhur me veprimtarinë e deritanishme të Shërbimit të Provës si dhe shprehën mendime dhe sugjerimet e tyre për konsolidimin e këtij Shërbimi.

2. me pushtetin vendor

Për sa i përket bashkëpunimit me pushtetin vendor, për të cilin ju kemi bërë me dije në raportet e mëparshme, këtë muaj kemi planifikuar të zhvillojmë një trajnim, me mbështetjen e OSBE-së dhe me lektorë nga Shërbimi i Provës, me punonjës social të këtyre njësive të qeverisjes vendore, lidhur me zbatimin në praktikë të marrëveshjeve të bashkëpunimit që kemi lidhur me këto njësi.

3. me OJF-të

Në datën 21 Shtator, nga shoqata Aksion Plus, është organizuar një seminar në qytetin e Fierit me pjesëmarrjen e përfaqësuesve të Zyrës Vendore të Shërbimit të Provës Fier, prokurorë të Prokurorisë së Rrethit Gjyqësor Fier dhe pjestarët e stafit të projektit. Në këtë seminar u diskutua rreth Memorandumit të Bashkëpunimit që është nënshkruar nga Drejtoria e Përgjithshme të Shërbimit të Provës me këtë shoqatë, programeve të ndryshme të trajtimit si ai me metadon, terapitë afatshkurtëra dhe afatgjata, për personat që marrin dënime alternative. Gjithashtu u diskutua me prokurorët, lidhur dhe me mënyrat e zgjidhjes së problematikës së hasur, në punën e Shërbimit të Provës me prokurorinë, gjatë fazës së

ekzekutimit të vendimeve gjyqësore për të dënuarit me dënime alternative.

III.-Problematika e punës.

1.- *Problem i Hapjes së Zyrave Vendore të reja.*

Gjatë muajit Shtator kemi vazhduar me intensitet menaxhimin e punëve për sigurimin e ambjenteve të punës për zyrat e reja vendore që do të hapim me vendodhje në rrethet gjyqësore Lezhë, Korçë, Elbasan, Gjirokastrë. Në lidhje me ambjentet, tashmë janë siguruar 3 zyra për Zyrën Vendore të Korçës, një zyrë për Zyrën Vendore të Gjirokastrës dhe po vazhdojmë përpjekjet për të siguruar ambjentet edhe për Zyrën Vendore të Elbasanit. Problem na ka dalë në lidhje me dy zyrat për Zyrën Vendore të Lezhës, për të cilat kryetari i Bashkisë Lezhë, Z. Viktor Tusha, ju ka kërkuar që t'i lirojnë ambjentet që ju dha një muaj më parë, me justifikimin se godina ishte dhënë me qera. Këto ambjente nuk janë të mjaftueshme për zhvillimin normal të punës së një Zyre Vendore të Shërbimit të Provës, por shërbejnë si një hap i parë për fillimin e punës dhe bërjen funksionale të këtyre Zyrave Vendore.

Një problem tjetër i rëndësishëm që po ndjekim me kujdes dhe në zbatim të ligjit është edhe përzgjedhja e personelit për këto zyra.

Kemi planifikuar që të zhvillojmë një trajnim për stafin e ri në bashkëpunim me OSBE-në e cila do të sigurojë mbështetjen financiare si dhe atë logjistike, ndërsa trajnerët do të jenë nga stafi i Shërbimit të Provës.

Paisjen me kompjutera të katër zyrave të reja vendore do ta mbulojmë pa krijuar probleme, por paisja e secilës zyre me nga një aparat fotokopje, që është një paisje e domosdoshme për punën rutinë, është e pamundur aktualisht.

Duke shpresuar se kemi dhënë një analizë që pasqyron me objektivitet punën e kryer, si dhe një paraqitje të problematikës themelore nga Shërbimi i Provës, Ju sigurojmë se zbatimi i të gjithë detyrave funksionale, rritja e nivelit dhe e profesionalizmit do të jenë prioritete të punës sonë edhe në të ardhmen.

Me respekt,

DREJTORI I PËRGJITHSHËM

ARBEN SEEGJINI

